

## आकाशवाणी

### Evening Dogri (NSD) Bulletin

22-07-2025

#### खबरां

- संसद दे दौनें सदनें च विपक्ष दे हंगामे करी कार्रवाई स्थगित।
- प्रधानमंत्री नरेंद्र मोदी होरें उपराष्ट्रपति पद थमां इस्तीफा देने पर श्री जगदीप धनखड़ हुंदे बेहतर सोआस्थ दी कामना कीती।
- प्रधानमंत्री नरेंद्र मोदी होर कल थमां 2 दिनें दी ब्रिटेन जातरा पर जाडन।
- राष्ट्रपति द्रौपदी मुर्मू होरें नमी दिल्ली दे राष्ट्रपति भवन च 2018-2021 बरे लेई 52में राष्ट्रपति स्काउट्स एंड गाइड्स पुरस्कार समारोह गी संबोधित कीता।
- अमरीका थमां भारत पुज्जी अपाचे हैलीकाप्टर दी पहली खेप।
- महाराष्ट्र सरकार नै 2006 दे मुम्बई ट्रेन धमाके मामले च सब्बे 12 आरोपियें गी बरी करने दे फैसले गी सर्वोच्च न्यायालय च चुनौती दिती।

<><><><><><>

#### Parliament-Adjourned

लोकसभा ते राज्यसभा दी कार्रवाई बकख-बकख मुद्दें पर विपक्ष दे हंगामे करी दिन भर लेई स्थगित करी दिती गई। विपक्षी पार्टिएं दे सदस्येँ ऑपरेशन सिंदूर ते बिहार च खास गइन पुनरीक्षण ते होरनें मुद्दें पर चर्चा दी मंग गी लेइयै नारेबाजी कीती। दपैहरी 2 बजे पैहले आहले स्थगन मगरा जिसले कार्रवाई परतिए शुरू होई तां विपक्ष नै परतिए शोर-शराबा कीता। संसदीय मामले दे मंत्री किरण रिजिजू होरें इस शोर-शराबे दी निंदेआ

कीती ते आखेआ जे सरकार हर चर्चा लेई तैयार ऐ पर फीs बी विपक्ष संसदीय कार्रवाई च जानी-बुज्झिए विघ्न पारदा ऐ।

<><><><><><><><>

PM-VP

प्रधानमंत्री नरेंद्र मोदी होरें स्वास्थ्य कारणें दा हवाला दिंदे होई कल उपराश्ट्रपति पद थमां इस्तीफा देने आहले श्री जगदीप धनखड़ हुंदे अच्छे स्वास्थ्य दी कामना कीती ऐ। इक सोशल मीडिया पोस्ट च श्री मोदी होरें आखेआ जे श्री धनखड़ होरेंगी भारत दे उपराश्ट्रपति सने बक्ख-बक्ख पदें पर देश दी सेवा करने दे कई मौके थहोए।

<><><><><><><><>

ISRO

अज्ज भारती अंतरिक्ष शोध संगठन-इसरो दे चंद्रयान-2 गी लांच कीते जाने दी 6मीं बरे गंड ऐ। इस मिशन दा मकसद चन्न दे दक्खनी ध्रुव पर ओहदी सतह दी बनावट भूकंप-विज्ञान, खनिज पदार्थें दी मौजूदगी बारै पता लाना ऐ। चन्न बारै शोध करने सरबंधी भारत दे दुए मिशन गी श्री हरिकोटा दे सतीश धवन अंतरिक्ष केंद्र थमां 22 जुलाई 2019 गी कामयाबी कन्नै छोड़ेआ गेआ हा तां जे चन्न दे ध्रुव बारै होर पता लाया जाई सकै।

<><><><><><><><>

ISRO-Chanderyaan

अंतरिक्ष शोध सरबंधी भारती संगठन इसरो अमरीकी अंतरिक्ष एजेंसी नासा कन्नै रलिये विकसित कीते गेदे पृथ्वी अवलोकन उपग्रह निसार गी 30 जुलाई गी श्रीहरिकोटा थमां 5

बज्जियै 40एं मिनटें पर छोड़ग। GSLV F 16 राकेट उपग्रह गी 743 किलोमीटर दूर सूर्य दी समकालीन कक्षा च छोड़ग। निसार उपग्रह हर 12 दिनें च पृथ्वी दा पूरा स्कैन करोग ते हर मौसम, दिन-रात, उच्च गुणवत्ता आहली फोटो भेजोग। एह पैहला उपग्रह होग जेड़ा दौहरी फ्रीक्वेंसी आहले सिंथेटिक एपेस्टाइन रडार कन्ने पृथ्वी दी निगरानी करोग।

<><><><><><>

INDIA-Bloc Meet

I.N.D.I.A. गठबंधन दे सदन दे नेताएं दी बैठक अज्ज संसद भवन परिसर च आयोजित होई। इस च कांग्रेस अध्यक्ष ते राज्यसभा च नेता प्रतिपक्ष मल्लिकार्जुन खड़गे, लोकसभा च विपक्ष दे नेता राहुल गांधी ते गठबंधन च शामिल बकख-बकख राजनीतिक दलें दे सांसद मजूद हे। बैठक च मानसून सत्र दी सांझा रणनीति दे बारे च विचार कीता गेआ।

<><><><><><>

PM-Visit

प्रधानमंत्री नरेंद्र मोदी होर कल ब्रिटेन दी जातरा पर जा'रदे न। 2 दिनें दी इस जातरा दरान ओह ब्रिटेन दे प्रधानमंत्री कीर स्टारमर कन्ने चर्चा करंगन ते किंग चार्लोस कन्ने मुलाकात करंगन। विदेश सचिव विक्रम मिसरी होरें अज्ज नमीं दिल्ली च संवाददाताएं गी दस्सेआ जे प्रधानमंत्री मोदी होर भारत ते ब्रिटेन दे दिग्गज कारोबारियें कन्ने गल्लबात करंगन। ओह क्षेत्रीय ते वैश्विक प्रासंगिकता दे मुद्दें पर बी विचारें दा आदान-प्रदान करंगन। भारत ब्रिटेन सांझेदारी गी 2021 च व्यापक रणनीतिक सांझेदारी च उन्नत कीता गेआ हा। श्री मिसरी होरें आखेआ जे दौनें पखें इस सांझेदारी गी होर बी

उच्च सतर पर लेई जाने लेई बचने बज्झी दी ऐ। उनें आखेआ जे बपार, तकनीक, अनुसंधान ते नवाचार दक्खी सहयोग दे प्रमुख थम्म बनियै उभरे न।

<><><><><><><>

Prez. Award

राष्ट्रपति द्रौपदी मुर्मू होंरे अज्ज आखेआ जे राष्ट्र ते समाज लेई जीवन समर्पित करना जीवन जीने दा सब्भनें शा अच्छा तरीका ऐ। राष्ट्रपति मुर्मू होंरे एह गल्ल अज्ज नमी दिल्ली च राष्ट्रपति भवन च 2018-21 बरे लेई 52में राष्ट्रपति स्काउट्स एंड गाइड्स पुरस्कार समारोह गी संबोधित करदे होई आक्खी। राष्ट्रपति होंरे भारत स्काउट्स एंड गाइड दे 16 स्काउट्स, गाइड, रोवर्स ते रेंजर्स गी उन्दे अनुशासन सामाजिक सेवा, नेतृत्व ते अमूल्य योगदान लेई पुरस्कार ते प्रमाण पत्र कन्नै संबोधित कीता।

<><><><><><><>

Gourav-Dwivedi

प्रसार भारती दे मुख कार्जकारी अधिकारी ते एशिया पैसिफिक इंस्टीच्यूट फॉर ब्राडकास्टिंग डेवेलपमेंट जनरल कांफ्रेंस दे अध्यक्ष गौरव द्विवेदी होंरे आखेआ जे प्रसार भारती भविक्ख दी जरूरतें गी पूरा करने लेई समाचार कक्ष च ए.आई कन्नै संचालित समाधानें दा परीक्षण करारदा ऐ। श्री द्विवेदी होंरे एह गल्ल कंबोडिया दे Siem Reap च 20में एशियाई मीडिया सम्मेलन दे उद्घाटन सत्र च आक्खी। उनें आखेआ जे ए.आई दा तेजी नै विकास समाचार ते प्रसारण उद्योग गी नमा आकार देआरदा ऐ। उनें आखेआ जे इसी ध्याना च रखदे होई प्रसार भारती नै सटीकता ते गति कन्नै कन्टेंट कंप्यूजन

गी स्वचालित करना, तथ्य जांच गी बदाना ते श्रोताएं ते दर्शकें दी जरूरतें स्हाबै सेवां देना शुरू करी दिता ऐ।

<><><><><><>

### Bangladesh-Aircraft

बांगलादेश दे जेट विमान दे हादसे दा शिकार होने करी मरने आहलें दी गिनतरी 27 ते 78 होरनें घायलें दा बक्ख-बक्ख अस्पतालें च इलाज चला करदा ऐ। कुल कोई 20 लोथां परोआर दे सदस्यें गी सौंपियां गेइयां न।

<><><><><><>

### Amarnath-Yatra

इस बरे आहली श्री अमरनाथ जी दी जातरा च अजे तगर 3 लक्ख 45 जहार श्रद्धालुएं पवितर गुफा च मत्था टेकेआ ऐ। एह गल्ल उपराज्यपाल मनोज सिन्हा होरें पहलगाम दे अपने दौरे दरान मीडिया कर्मिं गी संबोधित करदे होई आक्खी। उनें श्रद्धालुएं दे उत्साह ते खरी मती गिनतरी च इत्थे औने पर खुशी जाहिर कीती ते मेद ऐ जाहिर कीती जे श्रद्धालुएं दी गिनतरी च बाददा होग। उनें आखेआ जे पिछले 3-4 बरें दरान श्रद्धालुएं दी सुरक्षा लेई केई सारे इंतजाम कीते गे न ते हर बरे एह बेहतर होआरदी ऐ।

<><><><><><>

### LG-Portal

आतंकवाद करी प्रभावित लोकें गी मदद देने दे मकसद कन्नै पुट्टी गेदी इक गेंs तैहत उपराज्यपाल मनोज सिन्हा होरें अज्ज इक पोर्टल दी शुरूआत कीती। इस पोर्टल गी गृह

मैहकमे आसेआ एन.आई.सी दे सहयोग कन्नै विकसित कीता गेआ ऐ। एह इक मंच दे तौरा पर कम्म करोग जेदे तैहत जिले स्हाबै आंकड़े किट्ठे करिए रक्खे जाडन। सोशल मीडिया दी इक पोस्ट च उपराज्यपाल होरें आखेआ जे इस जत्न कन्नै केंद्र शासित प्रदेश च आतंकवाद करी प्रभावित लोकें गी राहत, सहायता ते होर दुई चाल्ली दी इमदाद हासिल करोआने च सखाल होग। उनें आखेआ जे जम्मू-कश्मीर च नेय सारे मामलें पर ओह आपूं तक्क रक्खारदे न ते उंदी निगरानी करारदे न।

<><><><><><>

### Apache-Helicopter

भारतीय सेना गी होर ताकत देने लेई अमरीका थमां अपाचे हैलीकाप्टर दी पैहली खेप अज्ज भारत पुज्जी। भारी मात्रा च हथियार बरसाने ते उन्नत युद्ध क्षमताएं करी इनें अत्याधुनिक हैलीकाप्टरें गी अकसर टैंक इन एयर आखेआ जंदा ऐ। अपाचे हैलीकाप्टर च उन्नत हथियार ते सेंसर लग्गे दे न। एहदे च सब्बै मोसम अनुकूल संचालन क्षमता ऐ। इस कन्नै भारतीय सेना दी ब्हाई ताकत गी होर मता बल थहोग।

<><><><><><>

### 7/11-Train Blast

महाराष्ट्र सरकार नै 2006 च मुम्बई ट्रेन धमाके आहले मामले च सब्बै 12 आरोपियें गी बरी करने दे बाम्बे हाई कोर्ट दे फैसले गी सर्वोच्च अदालत च चनौती दिती ऐ। सर्वोच्च अदालत ने 24 जुलाई गी सुनवाई करने पर सहमति व्यक्त कीती ऐ। 11 जुलाई 2006 गी मुम्बई दी लोकल ट्रेन नेटवर्क च सिलसिलेवार बम धमाके च 180 शा मते लोकें दी मौत होई गई ही ते बड़ी संख्या च लोक जख्मी होई गे हे।

<><><><><><>

## IMD

भारती मौसम विभाग नै अज्ज तेलंगाना च कुते-कुते, छत्तीसगढ़, जम्मू-कश्मीर, लद्दाख, कोंकण, गोवा, तटीय कर्नाटक ते विदर्भ च भारी थमां मती गै भारी बरखें दी पेशनगोई कीती ऐ। अगले 2-3 दिनें दरान दिल्ली दे किश हिस्सें च, हरियाणा, चंडीगढ़, असम, मेघालय ते अरुणाचल प्रदेश च भारी बरखा दी पेशनगोई कीती ऐ।

<><><><><><>

## Chess

जार्जिया दे बटुमी च फिडे महिला विश्व कप शतरंज 2025 च भारत दी गेंड मास्टर दिव्या देशमुख सेमीफाइनल च पुज्जी गेइयां न। दिव्या होरें रैपिड टाई ब्रेक च हमवतन हरिका द्रोणावल्ली गी 2-0 कन्नै हराई दिता। भारत दी कोनेरु हम्पी बी अंमित चार च पुज्जी गेइयां न। सेमीफाइनल च दिव्या दा सामना चीन दी टैन झोंगयी कन्नै होग जिसलै जे कोनेरु हम्पी दा मुकाबला अज्ज संझा चीन दी लेई रिंगजी कन्नै होग।

<><><><><><>

## Bolvia-Prez. India

बोलविया दे राष्ट्रपति लुइस अल्बर्टो आर्से कैटाकोरा होरें खसरा ते रूबेला टीके दी 3 लकख खुराकां दान करने लेई भारत सरकार दा आभार व्यक्त कीता ऐ। इक संदेश च राष्ट्रपति आर्से होरें इस कदम गी देश च बददे स्वास्थ आपातकाल बश्कार इकजुटताते समें पर दिते गेदे सहयोग दा प्रतीक दस्सेआ। उनें आखेआ जे 1 शा 14 बरे दी बरेसू दे बच्चे लेई बोलविया दे व्यापक टीकाकरण अभियान गी महत्वपूर्ण रूप नै बढ़ावा देंगन।



## DGP-Buddha Amarnath

श्री बुड्डा अमरनाथ जी दी जातरा गी सुरक्षित ते बवस्था आहले ढंग्गै सिर करोआने लेई डीजीपी नलिन प्रभात होरें द'उं दिनें दा पुंछ दौरा कीता। इस मौके पर पुलस ते सेना दे वरिष्ठ अधिकारी बी उन्दे कन्नै हे। उनें सुरक्षा इंतजामें दा जायजा लैता ते जातरा दे आधार शिविर दा निरीक्षण कीता। इक उच्च सतह दी बैठक च डीजीपी होरें आपूं चै तालमेल बनाई रखने, ड्रोन राएं निगरानी, सी.सी.टी.वी कैमरे लाने पर जोर पाया।



## CM-NEP

मुखमंत्री उमर अब्दुल्ला होरें शेर-ए-कश्मीर अंतरराष्ट्री कांफ्रेंस केंद्र च राष्ट्रीय शिक्षा नीति बारै आयोजित इक रोजा कांफ्रेंस च हिस्सा लैता। इस कांफ्रेंस दा विशेसार हा पूरे पराती शिक्षा लेई शैक्षणिक क्षेत्र दी अगुवाई करा'रदे लीडरें दा सशक्तिकरण। इस मौके पर शिक्षा मंत्री सकीना इतू होर बी उत्थे मौजूद हियां। किट्ठ गी संबोधित करदे होई मुखमंत्री होरें आखेआ जे सरकार जम्मू-कश्मीर च पूरा पराता, नमिं काहडें आहला ते भविक्ख लेई बच्चें गी तैयार करने आहला सरिस्ता कायम करने लेई बचनबद्ध ऐ। उनें शिक्षा आहले क्षेत्र च बदलाव आहनने ते विद्यार्थिं गी भविक्ख दिं चुनौतिं लेई तैयार करने लेई लेई सांझे जत्नें पर जोर पाया।

